



Universitätsbibliothek Paderborn

**D. Petri Chrysologi Archiepiscopi Ravennatis, viri
eruditissimi atque sanctissimi, Sermones In Evangelia De
Dominicis & festis aliquot solemnioribus totius anni,
insignes & peruetusti**

Petrus <Chrysologus>

Lvgdvni, 1623

De eodem, Sermo LXXV.

[urn:nbn:de:hbz:466:1-50232](https://nbn-resolving.de/urn:nbn:de:hbz:466:1-50232)

quæ causa sedendi erat, cui nulla inerat lassitudo? Sed sedebat ut fidei doctor, ut resurrectionis magister: sedebat super petram, ut soliditas sedis daret credentibus firmitatem. Ponebat angelus super petram fundamenta fidei, super quam Christus erat Ecclesiam fundaturus, qui dixit: Tu es Petrus, & super hanc petram ædificabo Ecclesiam meam. *Erat, inquit, aspectus eius sicut fulgur, & vestimenta eius sicut nix.* Ad angeli gloriam non sufficit fulgor, ad cœlestem naturam quid fecit vestimentum? Sed splendore tali referebat speciem nostræ resurrectionis & formam: quia resurgentes per Christum, Christi mutantur in gloriam. *Præ timore autem eius exterriti sunt custodes, & facti sunt veluti mortui.* Miseri quos tunc percutit pauor mortis, quando securitas redditur vita: sed crudelitatis ministri, perfidiæ executores alienæ fiduciam sumere, quomodo poterant de supernis? Obsidebant sepulchrum, resurrectioni ianuas obstruebant, & ne qua posset intrare vita, mors perire, seruabant: merito eos angeli perculit & prostravit aduentus. Misera, & sibi semper inimica mortalitas dolet se mori: ne resurgere possit, oppugnat: sepulchrū aperire conuenerat, & ad resurgendū quicquid erat facilitatis afferre, ut esset miraculum de facto, de exemplo spes, de reuerso res, credulitas de videndo. Grandis dementia est hoc, hominem nolle credere, quod sibi desiderat euenire. Hoc de his custodibus hodie dixisse sufficiat: quid autem nostra fides habeat, ne hodie longum sit, post dicemus præstante Domino nostro Iesu Christo, qui viuit & regnat cum patre Deus in sæcula sæculorum. Amen.

De eodem, Sermo L X X V.

Quantum à vobis ego, à me tātum peregrinatus est

est sermo: sed orate fratres, vt sicut me vobis Deus reddidit, ita mihi dignetur reddere, & redonare sermonem. Audistis Euangelistam dicentem: *Vespera, inquit, sabbathi, quæ lucefecit in prima sabbathi.* Quid Mat. 18:3
 hic intelligit humanus sensus? quid hic humana sapit sapientia? *Vespera quæ lucefecit.* Vesper finit, non inchoat diem, nec lucem parturit, sed tenebras: sed hic elementorum auctor, elementorum vices mutat, ut in resurrectione domini totum diuinum sentias, nil humanum. Denique resurgentे Christo fidelibus lucefecit vesper, dies infidelibus tenebrescit: Discipulis nox mutatur in diem, Iudæis dies vertitur & mutatur in noctem. Ab hora, inquit, sexta, tenebræ factæ sunt super vniuersam terram usque ad horam nonam. Ut ipsa quæ tota est meridiana claritas obsecutaretur, & illud quod scriptum est, impleretur: Occidet illis sol meridie: occidet illis, id est, Iudæis: nostris autem: Nox sicut dies illuminabitur. Quia vesper, qui in profundam semper caliginem vergit, totam tunc Christi tetendit & erexit in lucem: ac splendorе toto tota mortalium pectora ab inferis Christo resurgentе compleuit. *Vespera sabbathi.* Quia illuminatur per Christum sabbathum, non deleur. Non n: venit soluere legem, sed adimplere. Illuminatur, ut in die dominico luceat, clarescat in Ecclesia, quod in Mat. 5:
 synagoga Iudæis obscurantibus, fuscabatur. *Venit Maria Magdalena, & altera Maria videre sepulchrū.* Præcedunt Apostolos ad ministerium fœminæ, quæ sexu viros, ordine discipulos quæ sequuntur: sed non hinc faciunt Apostolos segniores, quæ non fœminarum formas, sed Ecclesiarum typum deferunt dominicum ad sepulchrum. Maria, & Maria, sic altera, ut ipsa: ipsa ut altera, altera ipsa Maria, Maria Mater Christi: unum nomen duas

Luc. 2:31Amos 8:
Psal. 158

R 4 gemina

geminatur in fœminas , quia hic Ecclesia ex duobus populis veniens , vna figuratur ex duobus populis,

Mat. 20. id est , ex Gentibus & Iudæis , quia primi nouissimi , & nouissimi primi . Venit Maria ad sepulchrum , venit ad resurrectionis vterum , venit ad vitæ partum , vt iterum Christus ex sepulchro nasceretur fidei , qui carnis fuerat generatus ex ventre : & eum quem clausa virginitas vitam protulerat ad præsentem , clausum sepulchrum ad vitam redderet sempiternam . Diuinitatis insigne est clausam virginem reliquisse post partum : de sepulchro clauso exisse cum corpore est diuinitatis insigne . Maria & Maria venerunt , vt viderent sepulchrum , vides quia venerunt , non vt dominum cernerent , sed sepulchrum , nec quærebant cum mortuis iam viuenté , quæ dominum iam resurrexisse credebant . *Angelus enim domini descendit de cælo , & accedens reuoluit lapidem.* Reuoluit lapidem , non vt egredienti domino præberet aditum , sed vt dominum mundo iam resurrexisse monstraret ; conseruis ad credendum daret fidem , non ad resurgendum domino præstaret auxilium . *Reuoluit lapidem.* Reuoluitur ad fidem , qui ad perfidiam fuerat aduolutus . *Reuoluit lapidem :* vt idem esset vitæ titulus , qui acceperat mortis tenere custodem . Orate fratres , vt nunc descendat angelus , & totam duritiem nostri cordis euoluat : aperiat sensuum clausa nostrorum , resurrexisse Christum nostris etiam testetur ex mentibus : quia sicut illud cor cœlum est , in quo viuit & regnat Christus : ita illud pectus sepulchrum , in quo Christus adhuc habetur mortuus & sepultus , Christi mors sicut fuisse , ita pertransisse credatur : Christus homo passus , mortuus & sepultus fuit : est , viuit , regnat , manet , permanet Deus .

2. Cor. 5. Audi Apostolum dicenteim : Et si nouimus Christum secundum

secundum carnem, sed iam nunc non nouimus. Et,
Quod mortuus est peccato, semel mortuus est: quod Rom. 6.
autem viuit, viuit Deo: hoc est, viuit Deus. *Et accen-*
dens revoluit lapidem, & sedebat super eum. Sedebat ad
docendam resurrectionem, non ad lassitudinem sub-
leuandam. Cœlestis natura ignorat lassitudinem,
nescit laborem: sed factus est lapis vas angelicæ ses-
sionis, doctrinæ cœlestis cathedra, schola vitæ, quia
Iudæis ad mortis ianuam, ad cineris seruitium, ad
triste silentium fuerat constitutus. *Erat, inquit, aspe-*
cetus eius sicut fulgur, vestimenta autem eius sicut nix.
Vultus claritas à vestium candore separatur, & fa-
cies fulguri, niui vestis Angeli comparatur, quia ful-
gur de cœlo, nix de terra. Audi Prophetam dicentem:
Laudate dominum de terra, ignis, grando, nix. In fa- Esa. 43.
cie ergo angeli claritas cœlestis seruatur naturæ: in
veste vero figuratur gratia communionis humanæ,
& temperatur species angeli colloquentis, ut carna-
les oculi, & vestium ferant placidam claritatem, &
ex fulgore vultus nuncium sui tremerent, & reuere-
rentur auctoris. *Præ timore autem eius exterriti sunt cu-*
stodes. Quare territi? quia custodiebat crudelitatis stu-
dio, non pietatis obsequio. Ruit, destruitur, stare non
porest, quem conscientia destituit, impellit reatus.
Hinc est quod angelus percellit impios, pios alloqui-
tur & solatur. *Nolite timere vos.* Hoc est, illi timeant:
quærentes non timeant, timeant persequentes. *Nolite*
timere vos, scio enim quod Iesum qui crucifixus est, queri-
ris, non est hic. Hoc est ego veni, ut instruerem vos,
non ut illum eximerem, qui & rerum factor est, &
est sui suscitator. *Non est hic, surrexit enim sicut dicit.*
Vides quia venit angelus, ut factis assereret seruus,
quæ dominus prædixerat verbis: & doceret moriendi
& viuendi penes illum potestatē suis, qui ante suam

mortem prædixerat resurrectionem: nam vtique qui scire potuit, potuit & cauere, sed quia vincere potuit, declinare contempsit, quia resurgentis gloria sepe inuit morientis iniuriā. De sequentibus fratres, sequenti sermone tractabimus, quia protrahere nos & dilatare sermonem adhuc recens itineris prohibuit lassitudo.

De eadem, deque secunda Christi manifestatione facta mulieribus, à monumento regredientibus,

Sermo LXXVI.

Matt.28. **S**uperiori sermone Mariā, & alteram Mariā Ecclesię ex duobus populis venientis figuram diximus habuisse: hoc ex sequentibus hodie cupimus approbare, si modo nobis vester benignus præbeatur aliud. Respondens, inquit, Angelus dixit: *Nolite timere vos, scio enim quia Iesum qui crucifixus est, queritis: non est hic surrexit enim sicut dixit. Venite, videte locum ubi positus erat dominus.* Angelus prædicat nomen, crux dicit, loquitur passionem, fatetur mortem, sed resurrectionē mox, mox dominū confitetur. Et si angelus post tanta supplicia, post sepulchrum agnoscit dominum, suam loquitur seruitutem, & iniuriā passionis totam transisse sentit resurrectionis in gloriam: cui homo aut minoratum Deum in carne iudicat, aut in passione existimat eius defecisse virtutem, aut consumpta dominationem credit seruitute digna? Dicit crucifixum, ostendit locum ubi positus erat dominus, ne alter & non ipse idem resurrexisse crederetur ex mortuis. Et si dominus eadem redit in carne, vulnera reportat, ipsa clavorum foramina resumit, & ipsa facit testimonia sui corporis, suae resurrectionis indicia, quæ suæ fuerant contumelia passionis: quare homo se in alia putat,